



孟森著作集

明
元
清
系
通
紀
三

中
華
書
局



孟森著作集

明元清系通紀 三

中華書局

目 錄

自序·····	1
前編弁言·····	1
前編第一 滿洲名義考·····	1
前編第二 清始祖布庫里英雄考·····	5
前編第三 女真源流考略·····	17
一、野人女真·····	25
二、海西女真·····	44
三、建州女真·····	48
前編第四 建州衛地址變遷考·····	55
正編卷一	
洪武朝·····	75
建文朝·····	84
永樂朝·····	85
洪熙朝·····	182
正編卷二	
宣德朝·····	189
正編卷三	
宣德朝·····	247
正編卷四	
正統朝·····	343

正編卷五	
正統朝·····	479
正編卷六	
景泰朝·····	577
正編卷七	
天順朝·····	643
正編卷八	
天順朝·····	749
成化朝·····	801
正編卷九	
成化朝·····	839
正編卷十	
成化朝·····	933
正編卷十一	
成化朝·····	1051
正編卷十二	
弘治朝·····	1163
正編卷十三	
弘治朝·····	1285
正編卷十四	
弘治朝·····	1405
正德朝·····	1483
正編卷十五	
正德朝·····	1519
嘉靖朝·····	1573

正編卷七

天 順 朝

天順元年，即朝鮮世祖三年，丁丑(1457)

二月乙未朔

己未，女直忽失塔來降。命送錦衣衛，撥房屋居住，給米二石。實錄。

三月甲子朔

乙酉，建州衛女直都指揮莽刺等，來朝貢馬。賜宴，并賜綵幣、表裏等物有差。實錄。

七月壬戌朔

庚寅，朝鮮實錄書：諭咸吉道都節制使郭連城曰：“野人、倭人，俱爲我藩籬，俱爲我臣民，王者等視無異。或用爲力，或用爲聲，不可以小弊却來附之心。予即位以後，南蠻北狄，來附者衆，皆願爲我子，此天所誘也，非予智力。但來往驛路有弊，國家支持，難繼以時，宜授卿方略如下：(一)若浪字兒罕、速魯帖木兒、李貴也等諸酋請朝，則答曰：‘有旨，近日來朝不久，今年勿送。如捕捉松鶻，別例親啟事，上送。’(一)黑龍江、速平江兀狄哈、火刺溫，建州衛兀良哈李滿住、童倉等深處野人，及三衛撻子，扣關請朝，則約其從人，厚待上送。(一)如野人，無所加禮。其餘從人，館待優厚。

九月壬戌朔

庚寅，朝鮮實錄書：諭咸吉道都節制使郭連城曰：“聞野人等多往中朝者，然不能居中國矣，不能數朝貢矣，亦非反此而去彼也，邊將慎勿防遮，撫育妻子如常，來者接待如舊。若見野人，當諭國家撫育接待如舊之意。亦勿強諭。”

十月辛卯朔

癸巳，朝鮮實錄書：諭咸吉道都節制使郭連城曰：“今見本道觀察使移刑曹關文，知馬金波老毆傷其叔童亡乃，罪固重矣。然禽獸之行，何足誅責。且坡老本來自謂不下於亡乃，故國家並除職。今卿當以予命，召金波老、亡乃等，語金坡老曰：‘爾受予都萬戶，亡乃受予中樞之職，尊卑固不如也。且亡乃爾之叔父，而毆傷之，是不畏國法而又不畏予也，當殺無赦。然汝等皆予所愛護，且地遠情狀難究，故特赦汝。汝可贖於亡乃，以相和解，悔過自新，後勿復然。’使金波老知其罪，亡乃雪其憤可也。又金佛生毆溫稱介，固有罪矣。稱介牧馬佛生穀田，亦不爲無罪。卿宜依法輕重決罪，不使生怨。野人之事，不可一一如法。今後不得已事外，勿取決，可從權處置，而後密啟。”

丙申，建州等衛女直都指揮趙歹因哈等，來朝貢馬及方物。賜宴，并織金、紵絲襲衣、綵段、絹鈔有差。實錄。

壬寅，朝鮮實錄書：諭咸吉道都節制使曰：“野人住中朝者，不可防遮，亦不可疑貳，依前諭書，撫接如常可也。然近境居人往來他國，不可不知。某人以某事率其某某人某時發去，續續詳悉聞見啟達。且中朝招誘使之往朝乎，野人等以自意往朝乎？并聞見啟達。但須秘密，不可使彼知其探候聞見，自生疑惑也。又聞兀狄哈等聚兵，似欲作耗，亦宜廣其耳目，以知其謀，豫爲之備，然不可先自騷擾也。”

十一月辛酉朔

庚午，朝鮮實錄書：諭咸吉道都節制使郭連城曰：“近聞兀良哈等聚兵，謀復讎於斡朶里，斡朶里等亦聚兵應之。此是自中相圖，然此輩散處，故力弱不敢侵邊。今若並之，則將爲邊患，其勢不可不審，當以計和解之。兀狄哈至近境，則我當爲之聲援，以庇近境之人，然不可輕舉，代人受兵，卿審處之。又爲大將之道貴持重，萬一輕而致悔，大虧國體。卿旣知將道，宜體予撫士卒，布寬澤，乃可得衆心。”

十二月辛卯朔

己酉，命故掌肥河衛事都督同知別里格弟字里格襲職。陞掌嘔罕河衛事右都督你哈答爲左都督，忽里吉山衛指揮僉事卜牙哈爲指揮同知。實錄。

天順二年，即朝鮮世祖四年，戊寅(1458)

正月庚申朔

辛未，陞也孫倫衛指揮使卜不刺爲都指揮僉事；弗提衛指揮僉事管禿爲指揮使，指揮僉事塞卜兀爲指揮同知。命故指揮僉事徹里不花子斡你、駁希塔子額者卜，俱襲職。

甲戌，朝鮮實錄書：建州右衛都司羅郎可，遣使來獻土物。

上年二月癸卯，書作右衛都督羅郎只，此作都司羅郎可，固是一人，而字或有歧誤。建州右衛自凡察故後，由其孫納郎哈襲。此羅郎可或羅郎只，蓋即明實錄之納郎哈，而“哈”字與“可”字爲叶，前之羅郎只，乃誤字。

己卯，命故速塔兒河衛指揮同知哈答子答籠哈，友帖衛指揮僉事桑歌速子沙魯哈，阿資河衛指揮僉事察班孫阿古山、你

散子塞勒，木興衛指揮僉事哥脫木兒子卓李、鎖忽子瓦兒哈，忽魯愛衛指揮僉事哈答子馬忽、失列木子都魯哥、孛速子賽實、失當哈子孛的，欽真河衛指揮僉事答兒馬子都魯兀，察刺禿山衛指揮僉事阿力麻子得兀塞，乞刺兀衛指揮僉事者籠哥子劄方哈，撒里衛指揮僉事卯叉子苦列捏，童寬山衛指揮同知罕長哈子都兒得克，可木衛指揮僉事當哥子鎖兒孛，俱襲職。陞考郎兀衛都指揮使哥哈爲都督僉事，弗提衛都督僉事察安奴爲都督同知，馬英山衛指揮使速木哈爲都指揮僉事，朶林山衛指揮同知額真哥爲指揮使。實錄。

辛巳，弗提等衛野人女直都督長安奴等，建州左等衛野人女直都督李滿住等，來朝貢馬。賜宴，并綵幣、表裏、襲衣等物有差。實錄。

是日，命故建州衛指揮同知散禿子完者帖木兒，指揮僉事只兒哈子沙魯；塔亭衛指揮僉事納刺吉子脫火赤、來奴子馬昇哈；亦兒古里衛指揮僉事完者禿子失升哈、伯顏古子者得兀、阿稱哥子答吉卜，俱襲職。陞兀者衛指揮同知都魯禿爲指揮使。命故毛憐衛指揮同知阿里孫咬殊奴、塞住哥子苦奴、答起子帖失、塔失子納魯，指揮僉事賽的子奴木哈、管知八子孔失、阿卜子歹因、察莽哈子乃塔、奴哥奴子木郎哈、兀魯哈子答力哈、火兒塔子塔里哈、答羊哈子賣禿孫、昌塔子帖革；喜樂溫河衛指揮同知余籠哥子速魯哈，指揮僉事和羅孫不顏格；建州衛指揮同知塔失子失而古答，指揮僉事木答忽子灘答，俱襲職。陞喜樂溫河衛指揮同知者里奔哥爲指揮使，指揮僉事知魯哈爲指揮同知；建州衛指揮同知都列阿、失塔木，俱爲指揮使，指揮僉事阿哈答、張卜、捏克帖木兒，俱爲指揮同知。丁亥，命故朶兒必河衛指揮僉事台不花；建州衛指揮同知撒里子得魯、伯速孫果幹，指揮僉事帖失子愛伯；毛憐衛指揮同知

石帖子果兒果、哈答子管禿，指揮僉事卜良吉子管孫奴；兀者前衛指揮同知木加哈子都里吉、河魯忽子兀丁格；屯河衛指揮同知忽失木子哈兒速，指揮僉事忽失塔木子幹昇；兀者右衛指揮僉事尹列帖木兒子亦猛格，俱襲職。陞忽石門衛指揮使你籠哈爲都指揮僉事；建州衛指揮同知也隆哥爲指揮僉事，李克爲指揮同知；木蘭河衛指揮僉事建哈你爲指揮同知。

二月庚寅朔

壬辰，命陞建州衛都督同知董山爲右都督。董山言其故父猛哥帖木兒原任右都督，乞襲故也。實錄。

是日，朝鮮實錄書：御思政殿，引見童倉使者六人。臨瀛大君璆、永膺大君琰、桂陽君璫、義昌君玨、密城君琛、寧海君瑯、翼峴君璵、永順君溥、延昌尉安孟聃、河城尉鄭顯祖、左贊成申叔舟、兵曹判書洪達孫、承旨等入侍。上命野人居上者二人，各進爵，乃罷。移御後苑觀射，賜左贊成申叔舟鹿皮一張，判院事權臨手彩段衣一領、靴一雙。

是日，陞毛憐衛指揮使郎卜兒罕爲都督僉事，都指揮僉事苦魯哈、牙失哈、額克，俱爲都指揮同知；建州左衛指揮同知不里爲指揮使，指揮僉事得魯干苦、玉奴忽，俱爲指揮同知；建州右衛指揮同知卜赤爲指揮使，速魯、迷速苦，俱爲指揮同知；速魯之上，當有“指揮僉事”字樣。哥吉河衛指揮僉事亦忒哥爲指揮同知；阿真同真衛指揮同知管禿爲指揮使。命故建州衛都指揮僉事趙歹因哈子趙散巴，指揮同知火兒火孫子欵赤、古魯哥子可迭、帖木子允塔、佛家奴子阿剌忽、忽失哈子拙赤、禿里困子隨住、額頂勒子引塔、乞答乞子吉兒撒兀、阿失帖木子答失哈、莽刺子卜里哈，指揮僉事沙魯哈子火脫、禿劉不顏子那兀、那禿只子納刺、監卜子也兒克、納顏卜花子哈刺、刺答孫也僧格、蘭帖木子幹兒、三郎禿子牙禿、伯思哈子猛古納、

福先子察述、安朵子奄出、安赤子卜塔、買禿子不力哈、薛列格子愛答哈；兀里奚山衛指揮僉事兀升哈子馬木山；失里木衛指揮僉事咬納子兀失；毛憐衛指揮使王朶羅子兀兒古都木，指揮同知哈答子答魯克、卜郎哈子苦卜、朶樂子失兒克、土兒火孫子納籠哈、把連子塞魯，指揮僉事管禿子劄兒哈、伯勤子勺赤格、乃顏卜花子欵失哈、脫亦哈子察令哈、著和子綽乞、忽必忽子歹納、賞禿子麻哈、鎖羅斡子兀魯哈、速赫帖木兒子昆赤、李馬忽子者失奴、黑赤子刺力答、歹都子帖苦、亦失哈子兀禿哈、速古子斡黑、速都子馬禿、哈麻忽子出羊哈、早花子答魯、眞帖木子因答哈、安台子打魯、伯速孫安法哈、亦塔哈子凡堅、哈哈納子因答、乞班答子散里只答、速古子沙魯、伯速子魯禿、哈答子額卜哈、阿速卜子長加奴、失保赤子額克禿、火里答子劄哈；喜刺烏衛指揮僉事木丁哥子答出；喜樂溫河衛指揮同知禿車格子斡多、木哈尙子受能、成哈孫斡魯哈，指揮僉事答里丙哥子塊你、孟黑禿子尙都；友帖衛指揮同知阿哈力孫赤老溫、兀答兒子申巴，指揮僉事亦令哈子阿刺孫；愛河衛指揮僉事苦答納子屯台、福昌哈子阿令哈；阿倫衛指揮僉事忽禿子納失，俱襲職。乙未，毛憐等衛野人女直指揮得隆哥等，各來朝貢馬及方物。賜宴，并賜表裏有差。己亥，陞建州衛指揮使卜羊不哈、安禿，俱爲都指揮僉事，指揮同知鎖兒斡、蕭古魯、亦領哈，俱爲指揮使；指揮僉事文殊奴、失思恩可、趙阿蘭答、答忽勒、路互格、塔因哈，俱爲指揮同知；毛憐衛指揮使三保奴爲都指揮僉事，指揮同知者住哥爲指揮使，指揮僉事李苦女爲指揮同知。命故建州衛指揮使撒里子脫兒戮、歹因哈子德黑孫，指揮同知賈你子答速、黃孫奴子卜兒哈、木答兀子得兀，指揮僉事趙安禿子哈你、合散禿子馬你哈、觀音保子撒哈、王果出忽兒子答魯哈、王阿魯子孛魯脫

木、迭失子火列帖木、納速子捏亦赤木、長哈子撒都、王阿魯子火尼、卜郎哈子木答兀、劄卜哈子哈林、古魯子能格、塞黑勒子鎖禿、歹沙子不塔、失木哈子得列孫、失兒卜孫尙速保、把丹子六十保官、觀奴子哈兒；雙城衛指揮同知禿有哥子遼良；毛憐衛指揮僉事也克子勿奴忽，指揮使也克子重塔住魯哈，指揮同知得州子額黑木、木答哈子因答乞、肖禿子鎖失、刺塔子阿魯，指揮僉事黃脫因子尙禿、姜叔子刺塔、得里必子哈塔合、阿因帖木子孛只、根帖木子納當哈、納出子索果奴、住張哈子得魯格、幹乞子奴木哈、帖黑車子阿失塔；速平江衛指揮僉事奴干子薛列；野兒定河衛指揮僉事脫可子答必納；阿古河衛指揮僉事牙當吉子塞魯格、福刺忽子得魯，俱襲職。

庚子，陞兀者衛指揮同知抄刺哈；忽石門衛指揮同知鎖奴兒，俱爲指揮使；兀者衛指揮僉事鎖兒克忽失塔；建州左衛指揮同知忽失八爲指揮使，指揮僉事管奴、官音保，俱爲指揮同知；毛憐衛指揮使細刺禿爲都指揮僉事，指揮僉事納顏爲指揮同知；必籠哈子亦逞哈；阿者迷河衛指揮僉事朶兒只子賈禿；阿倫衛指揮僉事孛羅帖木兒子劄力乞；建州左衛指揮使和尼赤子撒速格，指揮同知鳳吉子奴克納，指揮僉事卜兒子桐禿、簪卜子乞力、綽必子阿答哈、童兀哈撒子劄牙沙、安朶子速力、撒蘭子昆卜花；速平江衛指揮使劄禿子速古、綽必子忒黑帖，指揮僉事爪英哥子尙張哈；愛河衛指揮僉事創過子阿禿；毛憐衛指揮使鬼里子亦出哈，指揮同知答魯哈子板塔沙，俱襲職。

乙巳，陞失列木衛指揮使早哈爲都指揮僉事；安河衛指揮同知歡察；建州左衛指揮同知阿都赤、灘納哈，俱爲指揮使，指揮僉事卜兒速古火塔火羅；朶兒必河衛指揮僉事額昇哈；亦馬刺衛指揮僉事溫察，俱爲指揮同知；和卜羅衛指揮同知你籠哈爲指揮使；建州右衛指揮使都兒忒爲都指揮僉事，指揮同知恐得

失爲指揮使；察刺禿山衛指揮僉事禿能哥爲指揮同知。命故毛憐衛指揮同知宋哈奴子長加奴、卜兒哈子阿都、塞籠格子撒失、阿魯子歹山、吉里迷子塔納、朶樂子坤不花、兀罕子塔魯哈，指揮僉事亦令哈子申山、塔失子塔刺哈、撒里子阿古山、斡都子阿赤哈、兀察子哈的哈、哈答子撒魯、賞禿子土刺、鎖羅斡子木乞納、莽哈子的卜古奴、阿卜子勺赤哈；兀思哈里衛指揮同知忽答木子莽禿、乞兀你子忽禿赤；劄嶺衛指揮僉事阿牙子歹羊哈；和卜羅衛指揮僉事完者不花子弗升哈；撒力衛指揮僉事高替子田住；速平江衛指揮使綽必子滕格迭；建州右衛指揮使撒里子忽失納；喜樂溫河衛指揮同知猛里禿子阿木納，指揮僉事主郎哈子速刺納、弗隆哈子弗魯額、者里奔哥子高來失、阿羅子賽都；建州左衛指揮使和尼赤子歹尙吉，俱襲職。
實錄。

戊申，朝鮮實錄書：野人童於乙加茂等二十一人辭。賜鞍馬、角弓、條環、條兒、綵囊、藥物有差。以綵段衣三領，付於乙加茂等，分賜李滿住、童倉、羅郎可。

辛亥，陞喜樂溫河衛指揮使馬申哈，毛憐衛指揮使亦里哈、兀罕住，俱爲都指揮僉事；指揮同知阿古爲指揮使，指揮僉事喃失速古；克默而河衛指揮僉事只而忽；阿古河衛指揮僉事牙失答；童寬山衛指揮僉事者魯革；建州衛指揮僉事弗羊古、沙魯哈，俱爲指揮同知；可令河衛指揮同知兀加哈爲指揮使。命故建州衛指揮同知卜赤子木答赤、佟鎖魯哈子糾住；毛憐衛指揮同知鎖古奴子撒刺、課可子阿兒禿、伯里子額三、卜良古子升斤、阿古子額苦山；撒只刺河衛指揮僉事張塔子亦里哈、劄領哈子北得奴；兀者衛都指揮僉事莽加子失孛、歡察子答古，指揮使保禿子撒只哈；依木河衛指揮僉事木當哈子太平；古里河衛指揮僉事鬼迷子刺里；朶兒必河衛指揮僉事阿里

哥子捏哈塔；塔山衛指揮僉事阿里充哈子歹察；喜樂溫和衛指揮同知麻失哈子你哈答；肥河衛指揮僉事李羅台子失伯革；把河衛指揮僉事薛克里子撒只哈；兀魯罕河衛都指揮僉事哈答孫子刺塔；塔山衛指揮同知永的弟哈失哈，俱襲職。戊午，陞毛憐衛指揮同知伯里忒爲指揮使，指揮僉事宋哈奴爲指揮同知；亦馬刺衛指揮僉事阿里塔爲指揮同知。實錄。

閏二月己未朔

是日，命故兀者衛左都督刺塔子察安察爲都指揮同知，建州右衛都指揮僉事李土蠻爲都指揮同知，兀者衛指揮使託因帖木兒爲都指揮僉事，建州左衛指揮同知莽刺爲指揮使，可令河衛指揮使爲都指揮僉事；考郎兀衛指揮僉事兀的哥、阿真河衛指揮僉事阿刺孫、塔山衛指揮僉事安出，俱爲指揮同知。實錄。

四月戊午朔

庚午，朝鮮實錄書：論平安道節制使、觀察使曰：“曾下諭，令送李滿住、童倉帶來野人。予非不知驛路之弊，此人等皆遠來叩關，不可遏其來附之誠。非徒李滿住、童倉，其他亦然。如不得已，則約其僭從，厚待上送。有請糧者，托以非邊將擅便；無已，則給其小許，且挾帶弓矢者勿禁。大抵野人，一以仰中朝，一以仰我國，故夏月來叩，彼既不廢事大之禮，我當撫以字小之義，卿其知悉。”癸未，野人中樞李豆里，指揮王三哈、趙豆乙於，指揮同知於乙多，指揮吾都古，副萬戶斜澄巨、亦里哈等七人，來獻土物。

五月丁亥朔

甲午，朝鮮實錄書：野人李豆里等七人，分三等賜物有差，又賜豆里米十五石。辛丑，御慶會樓下，引見野人李豆里等七人，命宰樞、司僕、內禁衛分左右射侯，亦令野人射

之。賜豆里等彩段、衣、扇子、油、紙、席有差。庚戌，平安道觀察使元孝然馳啟：“野人李滿住子伊澄巨等十二人，到滿浦，欲上來。”御札諭元孝然曰：“李滿住子伊澄巨又來。滿住之子多，而一一各來，必是利賞賜耳。若每率十餘人，漸至數十人，則難待。且豆里之來，麾下各賁滿住書契而來，料今伊澄巨之來，亦如此也。卿知此意，以己意語之曰：‘今當農時，驛路支持有弊，汝兄只率六人，已有前例，何得煩率上京！’若不得已，厚待上送如例。予初欲還遣，曰：‘豆里以暑病還，北人不宜夏月來朝，汝可還，待秋來。’既而又思滿住竭誠歸附之時，不可沮心。今來秋來一也，覺前失計，命之上送。卿善思度，勿強約從。”

六月丁巳朔

是日，朝鮮實錄書：諭咸吉道都節制郭連城曰：“童倉使送多陽哈、凡察子甫下土、李滿住管下毛里等，竭誠歸附，雖當農月，不可沮之。約其從者，擇五六人上送。如不得已，則厚待上送。”壬午，野人伊澄巨等十一人，來獻土物。癸未，諭咸吉道都節制使郭連城曰：“聞近境野人，以不得上京爲恨；又速魯帖木兒麾下，以不如浪孛兒罕爲恨。卿宜諭以‘孛兒罕遣子入侍，汝等亦遣子入侍，則待之豈有異乎？又遠境之人來朝，其意可嘉，汝等近境之人，何得每年上朝！汝等上朝，自有朝廷之命，且所麟可、非常可逃移蒲州，甚違歸順之意，不可不懲。’今適滿住子伊澄巨來朝，予令語其父拿送。又幹朵里阿乙充可等，如有移徙之志，令邊將諭之曰：‘汝等世居近境，深蒙國恩，今無緣潛移他境，是何意也？若逃往，則拿來治罪無難。’如此開諭，若不告逃歸，則自有處置，不可特給魚鹽厚於平時，以示弱也。”野人李滿住管下指揮薛衆巨厚時來獻土物。

七月丙戌朔

乙未，朝鮮實錄書：野人童倉、童羅郎可等，遣人來獻土物。壬寅，幸西郊觀稼，還至慕華館設宴，宗宰及野人伊澄巨等二十人侍。賜野人等鞍馬、條環、綵囊、刀子有差，令司僕內禁衛射毛毬。甲辰，御慶會樓下觀射，讓寧大君提、孝寧大君補、臨瀛大君璆、誠寧君裻、益寧君袞、延昌尉安孟昞、雲城府院君朴從愚、鈐川府院君尹師路、河東府院君鄭麟趾、左贊成申叔舟、右贊成黃守身、判中樞院事李仁孫、左參贊朴仲孫、右參贊成奉祖、吏曹判書韓明澮、兵曹判書洪達孫、都節制使楊汀、承旨等待，或投壺，或射的。引見野人伊澄巨等十三人。賜伊澄巨綵段衣一領，且以綵段衣二領、綵段護膝、囊子、刀子各一，付澄巨賜李滿住。承政院奉旨，回書平安道觀察使曰：“李滿住子古納哈，非酋長，未可殊禮待之，其審書後合行事件措置：（一）依豆里、伊澄巨例接待。（一）初面邑若以李滿住例接待，則書狀所至邑，便改接待。彼人若問其故，則答云：‘初面邑失錯接待，觀察使已移文覈之，故待之如此。’（一）若觀察使已接待，則自黃海道，依上項改接待事通諭。”

戊申，女直野人都督長安奴入貢，歸遼東，左參將曹廣因其所部奪驛夫什物，令百戶追取之。長安奴怒，即引弓射百戶。廣不能平，自至驛繫長安奴至公所，究其奪驛夫什物者杖之。事聞，都察院劾廣失柔遠之意。上曰：“然。命降敕切責之。”實錄。

是時邊將能任事，而朝廷則示柔遠人，綱紀未弛。

辛亥，朝鮮實錄書：建州衛野人李滿住子都萬戶阿具等，

來獻土物。壬子，建州衛都督童倉、羅郎可，各遣使來獻土物。毛憐衛指揮王羅朱等三人，亦來獻土物。癸丑，野人都萬戶李阿具、指揮李古納哈五人，來獻土物。

八月丙辰朔

是日，朝鮮實錄書：命召右議政姜孟卿、左贊成申叔舟、右贊成黃守身、吏曹判書韓明滄、兵曹判書洪達孫、禮曹判書李承孫、刑曹判書朴元亨，議野人接待事。御書事目曰：“若李滿住、童倉及其子其弟，凡察子弟，火刺溫掌印酋長親來，則約其從者入送；其餘雜類來朝，則開說云：‘此道上國使者往來之處，且寧邊以北山川險阻，驛路不通，故在前汝等不得從此路上京。殿下只爲滿住等年老者，特命權開此路，非永遠之事。汝等依前例，從咸吉道來朝爲可。’彼人等若曰：‘李滿住等子弟亦從此路入見，何防我等乎？’答曰：‘前日李滿住等遣其子入朝，請之殿下，嘉其誠款特許之，然不并許使送人由此路入朝。今汝等來朝，邊將不敢擅便上送。’若請啟達，答曰：‘邊將不敢擅啟。宜從咸吉道內路朝見。’又慮彼人等以不得從近路入朝，生怨擾邊，可預先隄備。（一）李滿住、童倉、凡察等使送人，以緊急聲息來云，必須親啟，或其事變的實，其功可賞者，請朝見則許之可也。”即諭事目于平安道都節制使。建州衛都督李古納哈等九人，來獻土物。庚申，御書諭咸吉平安都節制使曰：“李滿住以書契差人告曰：‘火刺溫百餘人，欲作賊朝鮮地境。’此雖未可必，然專人告變，理或有之，卿宜隄備，勿令騷動。假如實來，戒飭諸將，勿邀功輕戰。俘斬百餘，不如不動。且有可言之機，則語之曰：‘汝等何不入朝？上憐汝等，預飭邊將勿輕勦殺之。’先使諭意，不順然後加兵焉。大概如上項事意，善隨宜布置，不動爲上，破之爲中，被虜爲下，失物不中不下。野人童者音彼等十三人，

來獻土物。癸亥，傳于戶曹曰：“知中樞院事李古納哈、同知中樞院事李阿具，依例給祿。”毛憐衛副萬戶巨九等二人、建州衛指揮石兒可等四人，來獻土物。甲子，幸東郊觀獵，宗親觀樞及野人李古納哈等五十六人扈從。賜讓寧大君提內廐馬一匹。己巳，特賜野人李古納哈、李阿具等，麻布、綿布、單帖裏各一，領笠靴各一。庚午，御勤政殿月臺上，設飲福宴，宗親及百官諸執事、倭、野人等侍。上下床飲福，諸執事以次飲福就坐。敬寧君祿、判中樞院事李季甸、兵曹判書洪達孫、野人古納哈、倭人居首者進爵。別賜倭人正官及古納哈等，鞍馬、玉條環、刀子，綵囊、席、綿布有差。御政殿，復召宗宰設酌。上曰：“左議政鄭昌孫常在墓廬，今聞入京，可慰問也。”命藝文直提學徐岡賁宣醢、素物往慰之。癸酉，野人李古納哈、李阿具辭。上引見，賜綵段、衣、苧麻、紬、綿布、弓矢有差，又以紬、綿、麻苧、布及席送于李滿住。甲戌，幸箭串平觀放鷹，野人李古納哈、李阿具等隨駕。至樂天亭設酌，宗親、宰樞、野人等入侍。申叔舟進酒，古納哈、阿具亦進酒。命賜入侍軍士酒。日晡還宮。上與中宮御思政殿，隨駕宗親、宰樞、野人、宣傳官兼司僕等入侍。孟卿進酒，出內樂與工人交奏。古納哈、阿具等亦進酒。命召王世子進酒。傳曰：“入侍之人，皆令飲醉。”李滿住遣指揮沈伊里多，來獻土物。庚辰，御勤政門受朝參。引見李滿住使者沈伊里多等。

是日，朝鮮實錄書：禮曹啟。“指揮沈伊里多、沈伊時馬、童於澄巨等職帶指揮，請依例除副萬戶。”從之。

九月乙酉朔

丙戌，朝鮮實錄書：諭平安道都節制使具致寬曰：“前者許野人經由平安入朝者，特爲李滿住、童倉，與滿住親男，凡